

Канон на утрени

ПРЕПОДОБНОМУ СЕРАФИМУ, САРОВСКОМУ ЧУДОТВОРЦУ

ПЕСНЬ 1.

Ирмос: Яко по суху, пешешествовав Израиль по бездне стопами, гонителя фараона видя потопляема, Богу победную песнь поим, вопияше.

Припев: Преподобне отче наш Серафиме, моли Бога о нас.

Господи, отверзи моя недостойнеи устне и даждь ми слово разума воспети достойно память блаженного Серафима, ныне со Ангелами молящагося Тебе избавити нас от всякого лютаго обстояния.

Преподобне отче наш Серафиме, моли Бога о нас.

К Богородице великий молитвенник был еси, преподобне, Юже видети со Апостолы сподобился еси, и ныне не престай молитвами твоими посещати чад твоих.

Преподобне отче наш Серафиме, моли Бога о нас.

От юности твоя, преподобне, предался еси умом Богови и, страсти телесныя крепким воздержанием укротив, всякими добродетельми украсился еси, премудре.

Богородичен: Всеблагая Владычице, Яже Прейблагаго Бога плотию рождши, озлобленное страстьми мое сердце очисти, да верю и любовьию величаю Тя.

ИН КАНОН ПРЕПОДОБНАГО, ГЛАС 8.

Ирмос: Воду прошед, яко сушу, и египетскаго зла избежав, израильтянин вопияше: Избавителю и Богу нашему поим.

По заповеди Владыки Христа узким и тесным путем вшел еси, преподобне, в Царство Небесное, широкий и пространный путь возненавидев, и ныне молися о нас, творящих пресветлую память твою.

Преподобне отче наш Серафиме, моли Бога о нас.

От юности на безстрастия гору возшед и крест свой взем, невозвратно Христу последовал еси и, духовную мудрость стяжав, Горняго Иерусалима достигл еси, преподобне, моли о нас Единого Человеколюбца.

Слава: Ныне предстоя, преподобне Престолу Божию, молися о стране нашей, избавитися от нашествия иноплемennых, и христоролюбивым людем земли Российския спасение испроси молитвами твоими, преподобне.

И ныне: С верою и любовью притекающих к Тебе и со страхом поющих Тя молитвенный глас услыши, Владычице.

ПЕСНЬ 3

Ирмос: Несть свят, якоже Ты, Господи Боже мой, вознесый рог верных твоих, Блаже, и утвердивый нас на камени исповедания Твоего.

Преподобне отче наш Серафиме, моли Бога о нас.

Молитвами твоими, преподобне, предстоя Богу со Ангелы, за весь мир молися, брани вражия потребити и победу на супостаты даровати.

Преподобне отче наш Серафиме, моли Бога о нас.

От юности верою и любовью прилепился еси Владыце Вышних Сил, преподобне Серафиме, и, возсияв в пустыни Саровстей, яко солнце, в скорбех приходящим к тебе утешитель был еси; моли спастися нам.

Преподобне отче наш Серафиме, моли Бога о нас.

Не используйте листы с богослужебными текстами в хозяйственных нуждах.

Явился еси, преподобне, молящимся тебе столп непоколебим и прибежище всем притекающим во обитель Саровскую и приемлющим исцеления благодать неоскудную.

Богородичен: Услыша Ева праматерь: в печалех родиши чада. Ты же, Чистая Дево, услышавши: Господь с Тобою, радуйся, — радованным гласом печаль праматере потребила еси.

ИН КАНОН ПРЕПОДОБНАГО:

Ирмос: НЕБЕСНАГО КРУГА ВЕРХОТВОРЧЕ, ГОСПОДИ, И ЦЕРКВЕ ЗИЖДИТЕЛЮ, ТЫ МЕНЕ УТВЕРДИ В ЛЮБВИ ТВОЕЙ, ЖЕЛАНИЙ КРАЮ, ВЕРНЫХ УТВЕРЖДЕНИЕ, ЕДИНЕ ЧЕЛОВЕКОЛЮБЧЕ.

Преподобне отче наш Серафиме, моли Бога о нас.

Молися, блаженне, Христу Богу избавитися нам от глада и пагубы, от напрасныя смерти, от тайных прегрешений и помышлений лукавых, да чистым сердцем Христу возопиим: молитвами преподобнаго спаси нас. Господи.

Преподобне отче наш Серафиме, моли Бога о нас.

Кротостию и смирением последуя Владыце Христу, всем вся воистинну был еси, богатых же и убогих неослабно благочестию поучая, будущая, яко настоящая, провидел еси. Моли Христа Бога, преподобне, согрешений наших оставление даровати.

СЛАВА: ИЗБАВИ ОБИТЕЛЬ ТВОЮ, ПРЕПОДОБНЕ, ОТ ВСЯКАГО НАВЕТА ВРАЖИЯ И ИСПОЛНИ Ю ЛЮБВЕ И БЛАГОДАТИ, ЕЖЕ НЕ ПОМЫШЛЯТИ О ЖИТЕЙСКИХ, НО ДУШЕСПАСИТЕЛЬНЫЯ ДОСТИГНУТИ ДОБРОТЫ МОЛИТВАМИ ТВОИМИ.

И НЫНЕ: УПОВАНИЕ И НАДЕЖДА НАША ТЫ ЕСИ, ПРЕЧИСТАЯ ВЛАДЫЧИЦЕ, СПАСИ СТРАНУ И ЛЮДИ ТВОЯ, МОЛЯЩИЯСЯ И ИМЯ ТВОЕ ПРИЗЫВАЮЩИЯ.

СЕДАЛЕН, ГЛАС 4:

Житейское море страстей воздержанием препобедив и в пристанище безстрастия притек, сосуд воздержания явился еси, преподобне Серафиме, моли Христа Бога даровати нам велию милость.

СЛАВА, И НЫНЕ: ПРЕВЗЫДОША ГЛАВУ МОЮ ГРЕСИ МОИ, ВЛАДЫЧИЦЕ, ОСКВЕРНЕН ИМИ ЕСМЬ, И НЕСТЬ ИСЦЕЛЕНИЯ В ПЛОТИ МОЕЙ, НО ТЫ, МНОГОБЛАГОУТРОБНАЯ, ДАРУЙ ДУШИ МОЕЙ СЛЕЗЫ ПОКАЯНИЯ НА ОЧИЩЕНИЕ СКВЕРН ГРЕХОВНЫХ И ТЕЛЕСНЫЯ НЕДУГИ УВРАЧУЙ, ВРАЧА ВСЯЧЕСКИХ И ГОСПОДА РОЖДШАЯ.

ПЕСНЬ 4

Ирмос: ХРИСТОС МОЯ СИЛА, БОГ И ГОСПОДЬ, ЧЕСТНАЯ ЦЕРКОВЬ БОГОЛЕПНО ПОЕТ, ВЗЫВАЮЩИ, ОТ СМЫСЛА ЧИСТА О ГОСПОДЕ ПРАЗДНУЮЩИ.

Преподобне отче наш Серафиме, моли Бога о нас.

Днесь светло празднует Саровская обитель память твою, преподобне, и молит тя: испроси у Господа вселенней мир и душам нашим велию милость.

Преподобне отче наш Серафиме, моли Бога о нас.

Великими подвиги твоими, преподобне, яко финикс, процвел еси, словесы благоплодными и непорочным житием сердца притекающих к тебе услаждая, и ныне убо молися, да обрящем милость от Христа, спаса нашего.

Преподобне отче наш Серафиме, моли Бога о нас.

Твоими молитвами о нас умоли Бога, преподобне Серафиме, и греховный мрак печали нашея разори, безстрастием, верою и любовью украси всех, преславную память твою чтущих.

Богородичен: Радуйся, Владычице Дево, Церквам красото, благочестивым людям державе и похвале, непрестанно молися Христу Богу, да сохранит нас от бед молитвами Твоими.

ИН КАНОН ПРЕПОДОБНАГО:

Ирмос: Услышах, Господи, смотрения Твоего таинство, разумех дела Твоя и прославих Твое Божество.

Преподобне отче наш Серафиме, моли Бога о нас.

Не токмо святая обитель Саровская, но и вся Российская земля имеет тя, блаженне, молитвенника теплаго и скорого помощника, крепкаго и непобедимаго заступника и ходатая о душах наших.

Преподобне отче наш Серафиме, моли Бога о нас.

Буди о нас молебник и ходатай ко Пресвятей Троице и подвижни на молитву с тобою лики святых, ихже житию поревновал еси, преподобне, с нимиже купно молися о мире и устроении всего мира, да тихое и безмолвное житие поживем в веце сем и в будущем жизнь вечную наследуем.

Слава: В постницах велик быв, преподобне, тесное иноческое в пустыни житие проходил еси и сие во умиленной молитве скончал еси, Моли спастися нам.

И ныне: Ты еси, Пречистая Богородице, Прибежище наше и Утверждение, моли Сына Твоего и Бога нашего подати нам спасение и грехов оставление.

ПЕСНЬ 5

Ирмос: Божиим светом Твоим, Блаже, утренюющих Ти души любовью озари, молюся, Тя ведети Слове Божий, истиннаго Бога, от мрака греховнаго зывающа.

Преподобне отче наш Серафиме, моли Бога о нас.

Всем приходящим к тебе был еси учитель истинный и к Богородице великий молитвенник, и ныне, преподобне, не престай моляся о чадах твоих, яко имаши дерзновение велие.

Преподобне отче наш Серафиме, моли Бога о нас.

Да внидут ныне Христоименитии людие во храм обители Саровския, к честным мощем твоим, преподобне Серафиме, припадающе, и да просят от тебе исцеления, здравия и спасения, Христа величающе.

Преподобне отче наш Серафиме, моли Бога о нас.

В нощи молящу ти ся Богу, преподобне, враг невидимый хотяше устрашити тя, но, молитвою твоею посрамлен, исчезе вселукавый.

Богородичен: Бога, Егоже родила еси, Пречистая Марие, моли рабом Твоим подати прегрешений оставление.

ИН КАНОН ПРЕПОДОБНАГО:

Ирмос: Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.

Преподобне отче наш Серафиме, моли Бога о нас.

Постом и непрестанною молитвою прославил еси, преподобне, обитель Саровскую, елеем от иконы Владычицы помазуя недужныя и тем исцеление неоскудно подавая, и ныне молися спастися душам нашим.

Преподобне отче наш Серафиме, моли Бога о нас.

Святителие и священницы, сорадуйтеся иноком Саровским, и простии людие, вкупе воспойте блаженнаго отца, обуреваемых скорбьми тихое пристанище, врача душевным и телесным недугом скорого.

Слава: Принеси молитвы твоя, преподобне, яко жертву благоприятну и непорочну, ко Пресвятей Троице, и не забуди нас, ныне творящих память твою, милость испроси ненавидящим, обидящим и враждующим на нас и избави всех от всякия скорби.

И ныне: УПРАВИ УМ МОЙ, Владычице, ОБУРЕВАЕМЫЙ СТРАСТЬМИ МНОГИМИ, СПАСИ, БОГОРОДИЦЕ, К ТЕБЕ ПРИБЕГАЮЩАЯ, ИНЫЯ БО ПОМОЩИ, ЧИСТАЯ, РАЗВЕ ТЕБЕ, НЕ ЗНАЕМ.

ПЕСНЬ 6

Ирмос: ЖИТЕЙСКОЕ МОРЕ, ВОЗДВИЗАЕМОЕ ЗРЯ НАПАСТЕЙ БУРЕЮ, К ТИХОМУ ПРИСТАНИЩУ ТВОЕМУ ПРИТЕК, ВОПИЮ ТИ: ВОЗВЕДИ ОТ ТЛИ ЖИВОТ МОЙ, МНОГОМИЛОСТИВЕ.

Преподобне отче наш Серафиме, моли Бога о нас.

Святая душа твоя обитель бысть Богу, в нейже Отец, Сын и Святой Дух вселися, темже молим тя, преподобне, наваждения вражия от чтущих тя отжени и верным людем мир и здравие даруй.

Преподобне отче наш Серафиме, моли Бога о нас.

Великия твоя пустынные подвиги и труды и сладость учения твоего почитаем, преподобне Серафиме, имиже многия приходящия к тебе просветил еси и научил еси воспевати Единосущную Троицу.

Преподобне отче наш Серафиме, моли Бога о нас.

Житием чистым последовав Владыце Христу, течение доброе скончал еси, преподобие, к вечным же обителем возшед, блаженне, зриши тамо, яже Ангели видят. Темже, чтуще память твою, Христа величаем.

Богородичен: Ныне к тебе прибегаю, Пречистая, спаси мя молитвами Твоими и соблюди: елика бо хочещи, можещи, яко Мати Всемогущаго.

ИН КАНОН ПРЕПОДОБНАГО:

Ирмос: Молитву пролию ко Господу и Тому возведу печали моя, яко зол душа моя исполнися и живот мой аду приблизися, и молюся, яко Иона: от тли, Боже, возведи мя.

Преподобне отче наш Серафиме, моли Бога о нас.

Грехов исполнени вси есмы, твоя же молитвы, преподобне Серафиме, яко кадило благовонню, ко Господеви восходят. Ныне молим тя: волнуемое в земли нашей море злаго неверия изсуши и спасение душам нашим от Господа испроси.

Преподобне отче наш Серафиме, моли Бога о нас.

Блажен воистинну был еси, преподобне Серафиме, нищетою богатство и плачем радость стяжав, юже приходящим обильно подавал еси, и ныне лучи чудес источаеши и исцеляеши всех, с верою к тебе притекающих.

Слава: В пустыни кладенец ископав твоима рукама, преподобне, приходящия жаждущия люди напоил еси, и ныне многим недужным водою кладенца сего болезни исцеляеши; воистинну дивнаго молитвенника и чудотворца всем, преподобне, Владыка ты показа.

И ныне: Воистинну Тя, Матерь Божию, исповедуем, истинную Богородицу: Твоим бо Рождеством тленнаго осуждения избавихомся, милосердия ради Человеколюбца Бога, и к жизни нетленной воззвани быхом.

КОНДАК, ГЛАС 2:

Мира красоту и яже в нем тленная оставив, преподобне, в Саровскую обитель вселился еси и, тамо ангельски пожив, многим путь был еси ко спасению, сего ради и Христос тебе, отче Серафиме, прослави и даром исцелений и чудес обогати. Темже вопием ти: радуйся, Серафиме, преподобне отче наш.

ИКОС:

Оставив род и други, богатство, яко прах, вменив, в пустыни Саровстей водворился еси и, на страсти, яко безплотен, подвизався. Ангелов ликостояния сподобился еси. Темже

Не используйте листы с богослужебными текстами в хозяйственных нуждах.

ДУХОВНАЯ РАЗУМЕНИЯ ПРИИМ, ПОДАЖДЬ И НАМ, ПРЕПОДОБНЕ, РАЗУМНО ПЕСНЬМИ ВОСПЕТИ ТЯ, СИЦЕ ГЛАГОЛЮЩИМ: РАДУЙСЯ, СЕРАФИМЕ БЛАЖЕННО, НЕБЕСНЫЙ ЧЕЛОВЕЧЕ И ЗЕМНЫЙ АНГЕЛЕ; РАДУЙСЯ, В ЛЮБВИ ХРИСТУ ПОДРАЖАТЕЛЮ; РАДУЙСЯ, СВЯТАГО ДУХА ОБИТЕЛЬ; РАДУЙСЯ, УНЫВАЮЩИМ ВЕЛИЕ РАДОВАНИЕ; РАДУЙСЯ, ИСТОЧНИЧЕ ИСЦЕЛЕНИЙ; РАДУЙСЯ, СКОРБЯЩИМ ДУШАМ СЛАДКОЕ УТЕШЕНИЕ; РАДУЙСЯ, ИНОКОМ ТИХОЕ ПРИСТАНИЩЕ И УЧИТЕЛЮ ПРЕМУДРЫЙ; РАДУЙСЯ, ПОХВАЛО ЗЕМЛИ РОССИЙСКИЯ; РАДУЙСЯ, СЕРАФИМЕ, ПРЕПОДОБНЕ ОТЧЕ НАШ.

ПЕСНЬ 7

Ирмос: РОСОДАТЕЛЬНУ УБО ПЕЩЬ СОДЕЛА АНГЕЛ ПРЕПОДОБНЫМ ОТРОКОМ, ХАЛДЕИ ЖЕ ОПАЛЯЮЩЕЕ ВЕЛЕНИЕ БОЖИЕ МУЧИТЕЛЯ УВЕЩА ВОПИТИ: БЛАГОСЛОВЕН ЕСИ, БОЖЕ ОТЕЦ НАШИХ.

Преподобне отче наш Серафиме, моли Бога о нас.

ЧУДНО ЖИТИЕ ТВОЕ ЯВИСЯ, ПРЕПОДОБНЕ, БЛАГОДАТИЮ БОЖЕСТВЕННОГО ДУХА ИСПОЛНЕНО, БЛАЖЕННУ ВОИСТИННУ КОНЧИНУ ПРЕПОДОБНЫХ ПРИЯЛ ЕСИ, О ХРИСТЕ РАДУЯСЯ. МЫ ЖЕ К ПРОСЛАВЛЪШЕМУ ТЯ ВЗЫВАЕМ: ОТЕЦ НАШИХ БОЖЕ, БЛАГОСЛОВЕН ЕСИ.

Преподобне отче наш Серафиме, моли Бога о нас.

МНОЖЕСТВО ЛЮДЕЙ, ВО СВЯТУЮ ОБИТЕЛЬ СОШЕДШЕСЯ ДНЕСЬ, ПРЕПОДОБНЕ СЕРАФИМЕ, ЧЕСТНЫМ МОЩЕМ ТВОИМ ПОКЛАНЯЕТСЯ, ОТ НИХЖЕ ИСЦЕЛЕНИЯ ВСИ ПОЧЕРПАЕМ, НЕПРЕСТАННО ЗОВУЩЕ: ОТЕЦ НАШИХ БОЖЕ, БЛАГОСЛОВЕН ЕСИ.

Преподобне отче наш Серафиме, моли Бога о нас.

ВО ВСЮ ЗЕМЛЮ ИЗЫДЕ ВЕЩАНИЕ СИЕ, ЯКО В САРОВЕ ЧУДОТВОРЕЦ ПРЕСЛАВЕН ЯВИСЯ, ИСЦЕЛЕНИЙ МНОЖЕСТВО ИСТОЧАЯ ВСЕМ, С ВЕРОЮ ПРИХОДЯЩИМ И ВОПИЮЩИМ: ОТЕЦ НАШИХ БОЖЕ, БЛАГОСЛОВЕН ЕСИ.

Богородичен: БОГОРОДИЦЕ ДЕВО, РОЖДШАЯ СЛОВО ПАЧЕ СЛОВА, ЗИЖДИТЕЛЯ ТВОЕГО, ТОГО МОЛИ С ПРЕПОДОБНЫМ СЕРАФИМОМ ПОМИЛОВАТИ ДУШИ НАША.

ИН КАНОН ПРЕПОДОБНАГО:

Ирмос: ОТ ИУДЕИ ДОШЕДШЕ, ОТРОЦЫ В ВАВИЛОНЕ ИНОГДА ВЕРОЮ ТРОИЧЕСКОЮ ПЛАМЕНЬ ПЕЩНЫЙ ПОПРАША, ПОЮЩЕ: ОТЦЕВ БОЖЕ, БЛАГОСЛОВЕН ЕСИ.

Преподобне отче наш Серафиме, моли Бога о нас.

ПОМИЛУЙ НАС, ГОСПОДИ, И ОТ ВСЯКАГО ЗЛА ДУШЕТЛЕННАГО СОХРАНИ МОЛИТВАМИ УГОДНИКА ТВОЕГО, ПРЕПОДОБНАГО СЕРАФИМА, ДА ВСИ УМИЛЬНО ВОПИЕМ ТИ: ОТЕЦ НАШИХ БОЖЕ, БЛАГОСЛОВЕН ЕСИ.

Преподобне отче наш Серафиме, моли Бога о нас.

КТО НЕ ПОЧУДИТСЯ, КТО НЕ ПРОСЛАВИТ НЕИЗСЛЕДИМУЮ ГЛУБИНУ МИЛОСЕРДИЯ ТВОЕГО, ГОСПОДИ, ЯКО ЯВИЛ ЕСИ ВСЕМУ МИРУ УГОДНИКА ТВОЕГО, ПРЕПОДОБНАГО СЕРАФИМА, МОЛИТВЕННИКА ТЕПЛАГО О НАС, ВОПИЮЩИХ ТЕБЕ: ОТЕЦ НАШИХ БОЖЕ, БЛАГОСЛОВЕН ЕСИ.

СЛАВА: БЛАГОДАРНОЕ СИЕ ПЕНИЕ, ОТ НАС ПРИНОСИМОЕ ТЕБЕ, ПРЕПОДОБНЕ СЕРАФИМЕ, ПРИИМИ И ВСЕМ НАМ, ПРАЗДНУЮЩИМ СВЯТУЮ ПАМЯТЬ ТВОЮ И ПОКЛАНЯЮЩИМСЯ МОЩЕМ ТВОИМ, ИСЦЕЛЕНИЕ ДАРУЙ, ВОПИЮЩИМ: ОТЕЦ НАШИХ БОЖЕ, БЛАГОСЛОВЕН ЕСИ.

И НЫНЕ: ТЫ ЕСИ, ПРЕСВЯТАЯ БОГОРОДИЦЕ, ПРИБЕЖИЩЕ НАШЕ И УТВЕРЖДЕНИЕ, МОЛИ СЫНА ТВОЕГО И БОГА НАШЕГО ПОДАТИ НАМ СПАСЕНИЕ И ГРЕХОВ ОСТАВЛЕНИЕ.

ПЕСНЬ 8

Ирмос: ИЗ ПЛАМЕНЕ ПРЕПОДОБНЫМ РОСУ ИСТОЧИЛ ЕСИ И ПРАВЕДНАГО ЖЕРТВУ ВОДОЮ ПОПАЛИЛ ЕСИ: ВСЯ БО ТВОРИШИ, ХРИСТЕ, ТОКМО ЕЖЕ ХОТЕТИ. ТЯ ПРЕВОЗНОСИМ ВО ВСЯ ВЕКИ.

Преподобне отче наш Серафиме, моли Бога о нас.

ПЛОТСКИЯ СТРАСТИ УКРОТИВ И МИРОВИ УМЕРТВИВСЯ, ГЛАГОЛЫ ЖИЗНИ ВЕЧНЫЯ СЕРДЦЕМ ТВОИМ, БЛАЖЕННЕ, ПРИЯЛ ЕСИ, НАУЧАЯ ВСЕХ, К ТЕБЕ ПРИТЕКАВШИХ, ВЗЫВАТИ: ГОСПОДА ПОЙТЕ, ДЕЛА, И ПРЕВОЗНОСИТЕ ЕГО ВО ВЕКИ.

Преподобне отче наш Серафиме, моли Бога о нас.

В прославлении честных мощей твоих, преподобне, обитель Саровская радости исполнися. Людие же вси дивному во святых Своих Богу взываху: Господа пойте, дела, и превозносите Его во веки.

Преподобне отче наш Серафиме, моли Бога о нас.

Благодатию Божественнаго Духа исполнен сый, преподобне Серафиме, верным людем, творящим святую память твою, молитвами твоими испроси грехов прощение, вопиющим: дети, благословите, звященницы, воспойте, людие, превозносите Господа во веки.

Богородичен: пасения Ходатаица нам явилася еси, Богородице, рождшая Спаса и Владыку всех, темже молим Тя: спасения сподоби всех, песнословящих Тя верно во вся веки.

ИН КАНОН ПРЕПОДОБНАГО:

Ирмос: Царя Небеснаго, Егоже поют вои Ангельстии, хвалите и превозносите во вся веки.

Преподобне отче наш Серафиме, моли Бога о нас.

Добродетельному житию твоему, преподобне, позавидев, враг вселукавый восхоте занятие тебе сотворити, ты же, благодатию Божиею и молитвами Владычицы посрамив того, Бога прославил еси, песнословя: Господа пойте, дела, и превозносите Его во веки.

Преподобне отче наш Серафиме, моли Бога о нас.

Яко молния, блистающися, светится на поднебесней, тако и вещания о твоих, преподобне, чудесех во всю землю изыдоша. Мы же, дивящися славе твоей, вопием: дети, благословите, священницы, воспойте, людие, превозносите Господа во веки.

Слава: Суетными и страстными помышлении мятущийся ум наш исцели, преподобне, волны злаго нечестия укроти, расслабленная житейскими попечении сердца наша укрепи, да славим Христа Содетеля во вся веки.

И ныне: Радуйся, престоле Господень огнезрачный; радуйся, заре Невещественнаго Блистания; радуйся, облаче возсиявшаго Солнца Предивнаго, Христа Спаса нашего, Егоже превозносим во вся веки.

ПЕСНЬ 9

Ирмос: Бога человеком невозможно видети, на Негоже не смеют чини Ангельстии взирати, Тобою же, Всечистая, явися человеком Слово воплощенно, Егоже величающе, с Небесными вои Тя ублажаем.

Преподобне отче наш Серафиме, моли Бога о нас.

Недостойными усты воспеваемое тебе малое хваление наше, преподобне, не презри, но приими и всех, прославляющих тя, освяти, бед, и напастей, и вечнаго мучения избави, да тя присно воспеваем.

Преподобне отче наш Серафиме, моли Бога о нас.

Мраз нощный и вар дневный во уединении пустынном доблественне претерпев, дом Премудрости Божия был еси и к сиянию невечернему востекл еси. Моли спастися нам.

Преподобне отче наш Серафиме, моли Бога о нас.

Славится днесь обитель, в нейже ярем Христов прияти изволил еси: тамо бо, в пустыни, дни твоя пребыл еси и, твоими ученьми многи приходящия к тебе вразумив, научил еси быти чада Церкви Христовы.

Богородичен: Ты еси крепость наша, Ты еси похвала и радование, Хранительница наша, Заступление, Прибежище и Предстательница непобедимая, Пречистая Богородице, спаси рабы Твоя.

ИН КАНОН ПРЕПОДОБНАГО:

Ирмос: Воистинну Богородицу, Тя исповедуем, спасеннии Тобою, Дево Чистая, с Безплотными лики Тя величающе.

Преподобне отче наш Серафиме, моли Бога о нас.

Великим отцем, древле в посте и подвизах просиявшим, поревновав, преподобне, чрез вся дни живота твоего в молитве, слезах и трудех пребыл еси, дондеже достигл еси Небесныя обители, темже тя достойно ублажаем.

Преподобне отче наш Серафиме, моли Бога о нас.

Крепкою силою Христос Бог тя препояса и укрепил победити козни демонския, преподобно. Темже ныне молим тя: моли Человеколюбца Бога, да избавит всех нас от вражиих нахождений и искушений и спасет души наша.

Слава: В болезнях и скорбех наших к тебе, преподобне, прибегаем и из глубины душевныя вопием: буди нам небурное пристанище и болезнем скорый целитель и избави нас от всякаго недуга и нужды, да тя непрестанно величаем.

И ныне: Единаго от Святыя Троицы, Слова и Сына родила еси, Дево Пречистая, Егоже с преподобными и праведными моли о рабех твоих, верою просящих грехов прощения.

СВЕТИЛЕН:

Приидите, вси вернии, / священными песньми восхвалим дивнаго в чудесех преподобнаго Серафима, / новаго светильника Российския земли, / Ангелом собеседника и теплаго молитвенника к Богу / о чтущих святую память его.

Слава, и ныне: По Бозе упование имуще на Тя, / Пречистая Богородице, / молим Ти ся: / Рождшагося из Тебе умоли / даровати мир вселенней / и велию милость.